

BOSNA I HERCEGOVINA
*Centar za informiranje i
priznavanje dokumenata iz
područja/oblasti visokog
obrazovanja*



БОСНА И ХЕРЦЕГОВИНА
*Центар за информисање и
признавање докумената из
области високог образовања*

Centre for Information and Recognition of Qualifications in Higher Education

SREDNJOROČNI PLAN RADA
CENTRA ZA INFORMISANJE I PRIZNAVANJE DOKUMENTA IZ OBLASTI
VISOKOG OBRAZOVANJA ZA PERIOD OD 2019. DO 2021. GODINE

Mostar, rujan 2018. godine

Mostar, Ulica Kneza Višeslava bb
Telefon/Телефон +387 36 333 980
www.cip.gov.ba



Мостар, Улица Кнеза Вишеслава бб
faks/факс +387 36 333 991
www.cip.gov.ba

SADRŽAJ PLANA

1. Odluka o usvajanju plana

Poglavlje 1: STRATEŠKI OKVIR

1.1. Osnivanje i nadležnost Centra

1.2. Međunarodna pozicija Centra

Poglavlje 2: VIZIJA I MISIJA CENTRA

Poglavlje 3: UČESNICI I PARTNERI

Poglavlje 4: OSNOVNA PROGRAMSKA OPREDJELJENJA

4.1. Analiza unutrašnjeg stanja i okruženja

4.2. Srednjoročni cilj

4.3. Specifični cilj

Poglavlje 5: RESURSI I KAPACITETI POTREBNI ZA POSTIZANJE CILJEVA

5.1. Predviđeni izvori finansiranja

5.2. Organizacioni kapaciteti

Poglavlje 6: OKVIR ZA PRAĆENJE PROVOĐENJA PLANA I VREDNOVANJE
REZULTATA

6.1. Definisane ključne pokazatelje

6.2. Metode prikupljanja informacija o pokazateljima

6.3. Osnovni zaključci predhodnog plana

Poglavlje 7: PRILOZI

Prilog 1: Akcioni plan srednjoročnog plana rada Centra

Prilog 2: Zbirni pregled podzakonskih akata

ODLUKA
O USVAJANJU SREDNJOROČNOG PLANA RADA

Na osnovu člana 7. stav (3) Odluke o postupku srednjoročnog planiranja, praćenja i izvještavanja u institucijama Bosne i Hercegovine ("Službeni glasnik BiH", broj 62/14), nakon pribavljenog mišljenja Ministarstva finansija i trezora Bosne i Hercegovine, broj:13-02-2-312-13/19 од 30. 01. 2019. godine, direktor Centra za informisanje i priznavanje dokumenta iz oblasti visokog obrazovanja, donosi

ODLUKU

o usvajanju Srednjoročnog plana rada Centra za informisanje i priznavanje dokumenata iz oblasti visokog obrazovanja za period od 2019. godine do 2021. godine

I

Usvaja se Srednjoročni plan rada Centra za informisanje i priznavanje dokumenata iz oblasti visokog obrazovanja za period od 2019. godine do 2021. godine.

II

Srednjoročni plan rada Centra za informisanje i priznavanje dokumenata iz oblasti visokog obrazovanja period od 2019. do 2021. godine, sadrži:

Poglavlje 1: **Strateški okvir**

Poglavlje 2: **Vizija i Misija Centra**

Poglavlje 3: **Učesnici i partneri**

Poglavlje 4: **Osnovna programska opredjeljenja**

Poglavlje 5: **Resursi i kapaciteti potrebni za postizanje ciljeva**

Poglavlje 6: **Okvir za praćenje provođenja plana i vrednovanje rezultata**

Poglavlje 7: **Prilozi**

- Prilog 1: Akcioni plan Srednjoročnog plana rada Centra
- Prilog 2: Zbirni pregled podzakonskih akata.

III

Ova odluka stupa na snagu danom donošenja.

Direktor

mr. Damir Ljubić

Broj: 02-07-1-1425-1 /18
Mostar, 12. 02. 2019. godine

Poglavlje 1: Strateški okvir

Opšti cilj: Pametan rast

Strateški cilj: Razvoj ljudskih resursa

Srednjoročni cilj: Unapređenje politika, izvršenje međunarodnih obaveza i razvoj kvaliteta u oblasti obrazovanja u Bosni i Hercegovini

Pametan rast u osnovi podrazumjeva usmjerenje na jačanje znanja i inovacija kao pokretača budućeg rasta. To zahtjeva poboljšanje kvaliteta obrazovanja, jačanje istraživanja, podsticanje inovacija i znanja na teritoriji BiH, što će omogućiti da se u potpunosti iskoriste informacijske i komunikacijske tehnologije, te obezbijediti da se inovativne ideje mogu pretvoriti u nove proizvode i usluge koje stvaraju rast, kvalitetna radna mjesta i pomažu u rješavanju evropskih i globalnih društvenih izazova. Da bi se postigao uspjeh u realizaciji ovog cilja neophodno da se navedene aktivnosti planiraju u kombinaciji sa poduzetništvom, finansijama i iste usmjere na potrebe korisnika i tržišne prilike.

U okviru opšteg principa razvoja pametan rast, a u skladu sa Strateškim okvirom za Bosnu i Hercegovinu, Centar za informisanje i priznavanje dokumenta iz oblasti visokog obrazovanja (u daljem tekstu: Centar) svoje će zadatke izvršavati kroz realizaciju strateškog cilja razvoj ljudskih resursa.

Srednjoročni cilj, koji proizilazi iz strateškog cilja razvoj ljudskih resursa je **Unapređenje politika, izvršenje međunarodnih obaveza i razvoj kvaliteta u oblasti obrazovanja u Bosni i Hercegovini**

Srednjoročni plan rada Centra predstavlja okvir unutar Centra, kojim su propisani prioriteti, dugoročni ciljevi i neophodne potrebe za izvršenje poslova iz nadležnosti Centra, te daje viziju ključnih elemenata rada i djelovanja Centra u narednom periodu.

1. 1. Osnivanje i nadležnost Centra

Centar za informisanje i priznavanje dokumenata iz oblasti visokog obrazovanja osnovan je u skladu sa Okvirnim zakonom o visokom obrazovanju u Bosni i Hercegovini ("Službeni glasnik BiH", broj 59/07 i 59/09), kao samostalna upravna organizacija. Osnivanje i nadležnosti Centra usaglašeni su sa članom IX. 2 Konvencije o priznavanju kvalifikacija koje se odnose na visoko obrazovanje u evropskoj regiji ("Službeni glasnik BiH-Međunarodni ugovori", broj 16/03). Konvenciju o priznavanju kvalifikacija koje se odnose na visoko obrazovanje u evropskoj regiji (Lisabonska konvencija) ratifikovalo je Predsjedništvo BiH na 30. sjednici održanoj 19. novembra 2003. godine, na osnovu saglasnosti Parlamentarne skupštine BiH, broj 103/03 od 29. oktobra 2003. godine.

Članom IX. 2 Konvencije o priznavanju kvalifikacija koje se odnose na visoko obrazovanje u evropskoj regiji propisano je sljedeće: "Priznavajući potrebu za odgovarajućim, tačnim i aktuelnim informacijama, svaka članica ustanovljava ili održava nacionalni informativni centar i notifikuje jednom od depozitara njegovo ustanovljenje, ili svaku promjenu koja se na njega odnosi.

U svakoj članici nacionalni informativni centar:

- a) olakšava pristup mjerodavnim i tačnim informacijama o sistemu visokog obrazovanja i kvalifikacijama u zemlji u kojoj je smješten;
- b) olakšava pristup informacijama o sistemima visokog obrazovanja i kvalifikacijama u drugim članicama;
- c) daje savjete ili informacije o pitanjima priznavanja i ocjene kvalifikacija, u skladu sa domaćim zakonima i propisima.

Svaki nacionalni informativni centar ima na raspolaganju potrebna sredstva za ispunjavanje svojih funkcija".

Nadležnost Centra propisana je članom 44. stav 2. i članom 45. Okvirnog zakona. Prema

navedenim odredbama, Centar je nadležan za:

- poslove informisanja i priznavanja u oblasti visokog obrazovanja;
- koordiniranje i međunarodnu razmjenu akademskog osoblja, studenata i programa u oblasti visokog obrazovanja;
- predstavljanje Bosne i Hercegovine u međunarodnim projektima u oblasti visokog obrazovanja iz svoje nadležnosti;
- putem međunarodne mreže centara za informacije (mreže ENIC/NARIC) pružanje informacija visokoškolskim ustanovama u Bosni i Hercegovini u vezi sa stranim visokoškolskim ustanovama i programima kao osnov za priznavanje stepena i diploma za dalje školovanje na visokoškolskim ustanovama u Bosni i Hercegovini i predstavlja Bosnu i Hercegovinu u tim mrežama;
- daje obavještenja i mišljenja o stranim stepenima i diplomama u Bosni i Hercegovini u svrhu nastavka školovanja na visokoškolskim ustanovama u Bosni i Hercegovini;
- daje savjete i informacije o pitanjima iz svog djelokruga stranama sa zakonitim interesom;
- u skladu sa Lisabonskom konvencijom i njenim pratećim dokumentima donosi preporuke ministarstvu Republike Srpske, kantonalnim ministarstvima i Brčko Distriktu BiH o priznavanju diploma stečenih van Bosne i Hercegovine s ciljem zaposlenja, nastavka obrazovanja i ostvarivanja drugih prava koja proističu iz stečene kvalifikacije.

1. 2. Međunarodna pozicija Centra

Centar je zvanični predstavnik Bosne i Hercegovine i sastavni je dio evropske mreže nacionalnih centara za informacije o akademskoj pokretljivosti i priznavanju (ENIC/NARIC mreža). Centar predstavlja Bosnu i Hercegovinu u ENIC/NARIC mreži nacionalnih informacionih centara za akademska priznavanja i mobilnost.

Centar je stalni član međunarodne mreže ENIC/NARIC centara i uključen je u ENIC listu (ENIC/NARIC listserv), putem koje se svakodnevno razmjenjuju pitanja i informacije koje se odnose na procedure i postupke priznavanja visokoškolskih kvalifikacija, akreditaciju visokoškolskih ustanova, kao i na pojedinačne probleme u postupku priznavanja u nekoj od članica ENIC/NARIC mreže. Centar učestvuje na svim međunarodnim konferencijama, sastancima, projektima u organizaciji ENIC/NARIC mreža i daje svoj aktivan doprinos u postizanju predloženih ciljeva.

Poglavlje 2: Vizija i misija institucija

Vizija: Prepoznatljivost Centra u području informiranja, savjetovanja i obučavanja u postupcima priznavanja inozemnih visokoškolskih kvalifikacija te relevantnost Centra u kreiranju politika visokog obrazovanja u Bosni i Hercegovini.

Misija: Prijenos informacija, znanja i vještina; davanje savjeta, mišljenja i preporuka; organiziranje obuka, sastanaka i konferencija; predstavljanje BiH u radu ENIC/NARIC mreže te na domaćim i međunarodnim projektima, a sve sa svrhom unapređenja i olakšavanja postupaka priznavanja inostranih visokoškolskih kvalifikacija, akademske mobilnosti i razvoja visokog obrazovanja u BiH usuglašeni sa odredbama Lisabonske konvencije i Bolonjskog sustava obrazovanja

Poglavlje 3: Učesnici i partneri

Međusobni odnosi organa uprave Bosne i Hercegovine zasnivaju se na ovlašćenjima utvrđenim Ustavom BiH i zakonom, kao i na međusobnoj saradnji, informisanju i dogovaranju. U skladu sa navedenim, organi uprave dužni su jedni drugima dostavljati podatke, razmjenjivati iskustva i informacije neophodne za zakonito i blagovremeno izvršavanje utvrđenih poslova, te ostvarivati neophodnu međusobnu saradnju u skladu sa zakonskim nadležnostima. Centar ostvaruje neophodnu saradnju sa nadležnim

organima uprave Bosne i Hercegovine, entitetskim i kantonalnim organima nadležnim za obrazovanje, visokoškolskim ustanovama u BiH i regionu, te mrežom ENIC/NARIC centara.

Poglavlje 4: Osnovna programska opredjeljenja

Srednjoročni cilj povezan je i izveden iz strateških ciljeva koji su utvrđeni Strateškim okvirom za Bosnu i Hercegovinu i Srednjoročnim programom rada Vijeća ministara Bosne i Hercegovine. Doprinos Centra u ostvarenju srednjoročnog cilja ostvaruje se kroz realizaciju specifičnog cilja Centra. Specifični cilj Centra određen je na osnovu utvrđene zakonske nadležnosti, vizije i misije Centra. Kao instrument za realizaciju ciljeva utvrđen je jedan program unutar kojeg su definisani projekti koji predstavljaju skup kompatibilnih aktivnosti koje vode ka ostvarenju zajedničkog cilja.

Prilikom određivanja ciljeva na svim nivoima korištena je SMART metoda, odnosno svi ciljevi treba da su:

S – (Specifični)

M - (Mjerljivi)

A - (Ostvarivi)

R - (Realni u odnosu na resurse)

T - (Vremenski ograničeni)

Kako bi se utvrdile aktivnosti za realizaciju srednjoročnog plana rada, kao polazna osnova za utvrđivanje programa i projekata utvrđena je analiza unutrašnjeg stanja i okruženja u kojem radi i funkcionije Centar.

4. 1. Za izradu pregleda unutrašnjeg stanja i okruženja korištena je metoda SWOT analize kao osnovni instrument. Rezultati SWOT analize prikazani su u sljedećoj tabeli:

	SNAGE CENTRA	SLABOSTI CENTRA
Resursi	<ol style="list-style-type: none"> 1. Postojeći zaposlenici su obučeni za potpunu implementaciju Lisabonske konvencije u postupcima stručnog i akademskog priznavanja; 2. Postojeći zaposlenici kvalitetno i blagovremeno obavljaju svoje poslove; 3. Redovno se organizuje i provodi obuka državnih službenika; 4. Trenutno su obezbijeđeni stabilni izvori finansiranja za izvršenje utvrđenih zadataka. 	<ol style="list-style-type: none"> 1. Centar kadrovski nije popunjen u skladu sa Pravilnikom o sistematizaciji, a posebno Sektor za informisanje, saradnju i priznavanje; 2. Smještajni uslovi Centra ne obezbjeđuju potrebene i optimalne uslove za rad;
Organizacija	<ol style="list-style-type: none"> 1. Obezbijeđena je kvalitetna i svakodnevna komunikacija unutar ENIC/NARIC mreže, te dobra saradnja sa ENIC/NARIC centrima u okruženju; 2. Dobra koordinacija poslova informisanja i priznavanja sa Ministarstvom prosvjete i kulture Republike Srpske, ministarstvima obrazovanja u kantonima FBiH, Odjeljenjem za obrazovanje Vlade Brčko distrikta BiH te organima nadležnim za priznavanje na visokoškolskim ustanovama; 3. Dobra saradnja sa institucijama iz oblasti visokog obrazovanja na nivou BiH. 4. Centar je prepoznatljiv na domaćem i međunarodnom planu. 	<ol style="list-style-type: none"> 1. Nejasna uloga ključnih aktera u poslovima međusektorske saradnje 2. Ograničene nadležnosti Centra 3. Nedostatak vizualnog identiteta Centra 4. Nedovoljna promocija Centra

Rezultati rada	<ol style="list-style-type: none"> 1. Izvršavanje poslova i zadataka obavlja se u skladu sa utvrđenim rokovima koji su predviđeni Programom rada Centra, važećim propisima i internim aktima; 2. U razumnim rokovima dostavljaju se informacije, preporuke, mišljenja i drugi akati koji su u vezi sa poslovima informisanja i priznavanja inostranih visokoškolskih kvalifikacija; 3. Blagovremeno se dostavljaju izvještaji, informacije i drugi akti nadležnim državnim organima, ENIC/NARIC centrima i drugim međunarodnim akterima; 4. Web stranica se redovno ažurira i bilježi veliki broj posjeta. 	<ol style="list-style-type: none"> 1. Višemjesečna odsustva pojedinih zaposlenika (bolovanja, porodiljska odsustva...)
	PRILIKE CENTRA	PRIJETNJE ZA CENTAR
Političke	<ol style="list-style-type: none"> 1. Jedinstven stav političkih struktura u BiH o potrebi uključenja BiH u punopravno članstvo u Evropsku uniju olakšava ukupan rad i međunarodne aktivnosti Centra. 	<ol style="list-style-type: none"> 1. Nemogućnost direktnog provođenja evropskih standard i principa u oblasti priznavanja zbog nedovoljne nadležnosti; 2. Nedovoljna informisanost kreatora politika iz oblasti obrazovanja o značaju i važnosti Centra; 3. Nerazumijevanje nadležnosti Centra iz oblasti akademske i studentske mobilnosti.
Ekonomske	<ol style="list-style-type: none"> 1. Redovno finansiranje planiranih aktivnosti Centra u osnovnom obliku putem Budžeta institucija BiH; 2. Mogućnost korištenja donatorskih sredstava i različitih međunarodnih fondova. 	<ol style="list-style-type: none"> 1. Nedostatak finansijskih sredstava u Budžetu institucija BiH za prijem državnih službenika predviđenih sistematizacijom Centra;
Socijalne i društvene	<ol style="list-style-type: none"> 1. Saradnja sa nadležnim obrazovnim vlastima i akademskom zajednicom u BiH; 2. Jačanje regionalne i međunarodne saradnje na planu informisanja i priznavanja inostranih visokoškolskih kvalifikacija; 3. Uloga sredstava javnog informisanja u efikasnijoj realizaciji aktivnosti iz okvira osnovne djelatnosti Centra. 	<ol style="list-style-type: none"> 1. Nepostojanje konsenzusa u BiH oko bitnih pitanja koja su vezana za kvalifikacijski okvir i primjenu Bolonjskog sistema studiranja; 2. Sporost i inertnost u izmjeni i dopuni zakonodavnog okvira u visokom obrazovanju
Tehnološke	<ol style="list-style-type: none"> 1. Potpisani IT sporazum Vijeća ministara i Microsofta; 2. EU sredstva za razvoj IT Sistema Centra. 	<ol style="list-style-type: none"> 1. Hakerski napadi a vezano za zastarjelost IT opreme.
Pravne	<ol style="list-style-type: none"> 1. Implementacija Lisabonske konvencije na cijeloj teritoriji BiH; 2. Aktivnije članstvo Centra u radu ENIC/NARIC mreža. 	<ol style="list-style-type: none"> 1. Neusaglašeno zakonodavstvo u BiH iz oblasti priznavanja inostranih visokoškolskih kvalifikacija sa Lisabonskom konvencijom; 2. Nedostatak potrebnih znanja organa za priznavanje o priznavanju kvalifikacija u skladu sa odredbama Lisabonske konvencije.

4.2. Srednjoročni cilj

Srednjoročni cilj Centra za period od 2019. do 2021. godine je: Unapređenje politika, izvršenje međunarodnih obaveza i razvoj kvaliteta u oblasti obrazovanja u Bosni i Hercegovini. Srednjoročni cilj definisan je od strane Direkcije za ekonomsko planiranje Savjeta ministara BiH i konsolidovan na nivou više institucija iz oblasti obrazovanja koje doprinose istom strateškom cilju. Doprinos Centra u ostvarenju Srednjoročnog cilja ostvaruje se kroz realizaciju specifičnog cilja Centra.

4.3. Specifični cilj

Polazeći od utvrđenog srednjoročnog cilja, Centar je definisao specifični cilj: Unaprijediti

politike i procedure iz oblasti priznavanja inostranih visokoškolskih kvalifikacija u BiH. Kao instrument za realizaciju ciljeva utvrđen je program: Informisanje i priznavanje dokumenata iz oblasti visokog obrazovanja, akademska i studentska mobilnost, unutar kojeg su definisani projekti koji predstavljaju skup kompatibilnih aktivnosti koji vode ka ostvarenju zajedničkog cilja.

Tabela 1. Planirani program i projekti za realizaciju specifičnog cilja:

Specifični cilj: Unaprijediti politike i procedure iz oblasti priznavanja inostranih visokoškolskih kvalifikacija u BiH	
Program: Informisanje i priznavanje dokumenata iz oblasti visokog obrazovanja, akademska i studentska mobilnost	<p>Projekat 1.1. Saradnja s nadležnim obrazovnim vlastima, organima za priznavanje i saradnja unutar ENIC/NARIC mreža</p> <p>Projekat 1.2. Kreiranje i promovisanje dokumenata iz oblasti visokog obrazovanja</p> <p>Projekat 1.3. Obavljanje i unapređenje procesa davanja mišljenja, preporuka, savjeta i informacija iz oblasti priznavanja inostranih visokoškolskih kvalifikacija</p> <p>Projekat 1.4. Kreiranje, održavanje i ažuriranje informacija o visokom obrazovanju u BiH i dokumentima iz oblasti priznavanja inostranih visokoškolskih kvalifikacija</p> <p>Projekat 1.5. Koordiniranje i međunarodna razmjena akademskog osoblja, studenata i programa u području visokog obrazovanja</p>

Poglavlje 5: Resursi i kapaciteti potrebni za postizanje ciljeva

5.1. Predviđeni izvori finansiranja

U izvršavanju i provođenja srednjoročnog plana i planiranja budžetskih sredstava programi su definisani u jednoj organizacionoj jedinici Centra, Sektoru za informisanje, saradnju i priznavanje dokumenta. U programskom budžetu sredstva su planirana za sve tri organizacione jedinice Centra (Sektor za informisanje, saradnju i priznavanje dokumenta; Sektor za pravne, kadrovske, finansijske i opšte poslove i Ured direktora, budući da iste neposredno učestvuju u realizaciji utvrđenog programa. Za realizaciju predviđenog programa i pripadajućih projekata, a u svrhu postizanja postavljenog srednjoročnog i specifičnog cilja definisanih ovim srednjoročnim planom za period od 2019. do 2021. godine planirano je ukupno 2.327.000 KM. Iz Budžeta institucija BiH i međunarodnih obaveza BiH finansira se 2.327.000 KM.

5.2. Organizacioni kapaciteti

Ostvarenje planiranih ciljeva nije moguće efikasno realizovati bez jačanja organizacionih kapaciteta Centra, prvenstveno jačanja kadrovskih kapaciteta putem povećanja broja zaposlenih. U Centru je trenutno zaposleno 15 osoba (9 državnih službenika, 5 zaposlenika i direktor Centra) što trenutno čini 51,72% od planiranog broja zaposlenih, prema Pravilniku o unutrašnjoj organizaciji. Važećim Pravilnikom o unutrašnjoj organizaciji Centra predviđeno je 29 državnih službenika i zaposlenika (21 državni službenik, 7 zaposlenika i direktor Centra). U planskom periodu predviđeno je je okončanje procesa reorganizacije donošenjem novog Pravilnika o unutrašnjoj organizaciji, a njegovom implementacijom bi se ispoljili efekti reorganizacije uz prioritarno zapošljavanje u oblasti osnovne djelatnosti Centra. Uprkos ograničenim ljudskim resursima, jačanje kapaciteta Centra moguće je osigurati i kontinuiranom edukacijom i razvojem zaposlenih, odnosno povećanjem nivoa stručnosti i kompetencija zaposlenih, putem različitih vidova edukacija. U svrhu realizacije planskih veličina potrebno je, u skladu sa mogućnostima, unaprijediti uslove za rad postojećih i novoplaniranih zaposlenih,

poboljšanjem smještajnih kapaciteta, te nabavkom nove i obnavljanjem postojeće opreme.

Poglavlje 6: Okvir za praćenje provođenja plana i vrednovanje rezultata

6.1 Definisane ključnih pokazatelja

U cilju praćenja aktivnosti na provođenju srednjoročnog plana i vrednovanja rezultata u planskom periodu, utvrđeni su ključni pokazatelji uspjeha i rezultata. U niže navednoj tabeli prikazani su odgovarajući pokazatelji sa njihovim početnim i očekivanim vrijednostima na kraju trogodišnjeg planskog perioda.

SREDNJOROČNI CILJ			
Unaprijediti politike i razvoj kvaliteta u oblasti obrazovanja u BiH			
Pokazatelj	Jedinica mjerenja (%, broj ili opisno)	Polazna vrijednost 2018	Ciljana vrijednost 2021
Usklađenost procedura priznavanja sa odredbama Lisabonske konvencije o priznavanju	%	45	57
Specifični cilj CIP-a			
Unaprijediti politike i procedure iz oblasti priznavanja inostranih visokoškolskih kvalifikacija u BiH			
Pokazatelj	Jedinica mjerenja (%, broj ili opisno)	Polazna vrijednost 2018	Ciljana vrijednost 2021
Realizacije planskih aktivnosti CIP-a iz oblasti priznavanja, informisanja, međunarodne saradnje i akademske mobilnosti	%	100	100
Program			
Informisanje i priznavanje dokumenata iz oblasti visokog obrazovanja, akademska i studentska mobilnost			
Pokazatelj	Jedinica mjerenja (%, broj ili opisno)	Polazna vrijednost 2018	Ciljana vrijednost 2021
Aktivnosti CIP-a vezane za usaglašenost sistema priznavanja inostranih visokoškolskih kvalifikacija u Bosni i Hercegovini sa preporučenim i standardiziranim praksama ENIC/NARIC mreža	%	100	100
Aktivnosti CIP-a iz područja mobilnosti akademskog osoblja, studenata i studijskih programa	%	100	100
Projekat 1.1: Saradnja s nadležnim obrazovnim vlastima, organima za priznavanje i saradnja unutar ENIC/NARIC mreža			
Okvir za mjerenje ostvarenja			
Pokazatelj	Jedinica mjerenja (%, broj ili opisno)	Polazna vrijednost 2019	Ciljana vrijednost 2021
Broj realiziranih aktivnosti u cilju jačanja kapaciteta nadležnih organa za priznavanje i unapređenje procedura priznavanja u BiH i aktivnosti na saradnji sa članicama ENIC/NARIC	broj	12	15
Projekat 1.2: Kreiranje i promovisanje dokumenata iz oblasti visokog obrazovanja			
Okvir za mjerenje ostvarenja			

Pokazatelj	Jedinica mjerenja (%, broj ili opisno)	Polazna vrijednost 2018	Ciljana vrijednost 2021
Izrada Preporuke	broj	1	1
Projekat 1.3: Obavljanje i unapređenje procesa davanja mišljenja, preporuka, savjeta i informacija iz oblasti priznavanja inostranih visokoškolskih kvalifikacija			
Okvir za mjerenje ostvarenja			
Pokazatelj	Jedinica mjerenja (% broj ili opisno)	Polazna vrijednost 2018	Ciljana vrijednost 2021
Broj izdatih mišljenja, preporuka, savjeta i informacija	broj	870	900
Projekat 1.4: Kreiranje, održavanje i ažuriranje informacija o visokom obrazovanju u BiH i dokumentima iz oblasti priznavanja inostranih visokoškolskih kvalifikacija			
Okvir za mjerenje ostvarenja			
Pokazatelj	Jedinica mjerenja (% broj ili opisno)	Polazna vrijednost 2018	Ciljana vrijednost 2021
Broj objavljenih dokumenata iz oblasti visokog obrazovanja na web stranici CIP-a	broj	125	137
Projekat 1.5: Koordiniranje i međunarodna razmjena akademskog osoblja, studenata i programa u području visokog obrazovanja			
Okvir za mjerenje ostvarenja			
Pokazatelj	Jedinica mjerenja (% broj ili opisno)	Polazna vrijednost 2018	Ciljana vrijednost 2021
Broj aktivnosti iz oblasti mobilnosti	broj	23	39

6.2. Metode za prikupljanje informacija o pokazateljima

Centar će informacije o pokazateljima rezultata i pokazateljima uspjeha prikupljati iz svih dostupnih izvora koji Centru stoje na raspolaganju. Prikupljanje navednih podataka provodiće se u kontinuitetu.

6.3. Osnovni zaključci prethodnog Izvještaja o provođenju plana rada Centra

Obaveza izrade srednjoročnog plana rada Centra propisana je Odlukom o postupku srednjoročnog planiranja, praćenja i izvještavanja u institucijama Bosne i Hercegovine ("Službeni glasnik BiH", broj 62/14). Centar je u skladu sa propisanom dinamikom u 2018. godini izradio Izvještaj o provođenju Srednjoročnog plana rada za 2017. godinu. Iz Izvještaja je evidentno da je Centar ostvario planirane ciljeve, kao i da je pri tome bio suočen sa značajnim izazovima kao što su ograničeni ljudski resursi i smještajni kapaciteti, te nedovoljno usklađeno zakonodavstvo o priznavanju inostranih visokoškolskih kvalifikacija sa odredbama Lisabonske konvencije i njenim pratećim dokumentima. U izvještaju je konstatirano da je Centar kroz provođenje svog srednjoročnog cilja, odnosno realizaciju programa, projekata i aktivnosti, doprinio nastavku reforme visokog obrazovanja započete pristupanjem Bolonjskoj deklaraciji i Lisabonskoj konvenciji, pri čemu se doprinos Centra u najvećoj mjeri ogleda u davanju poticaja nadležnim obrazovnim vlastima za unapređenje zakonodavstva i praksi u oblasti priznavanja inostranih visokoškolskih kvalifikacija u svrhu zapošljavanja i nastavka školovanja, te poboljšanja stepena njihove usklađenosti sa odredbama Lisabonske konvencije i njenih pratećih dokumenata. Centar je nastavio kontinuirano da predstavlja Bosnu i Hercegovinu u radu ENIC/NARIC mreža pružajući informacije o visokom obrazovanju u BiH. Centar je u 2017. godini izdao Preporuke o priznavanju inostranih visokoškolskih kvalifikacija u svrhu zapošljavanja. Kroz učešće svojih predstavnika u radu Referentne fokus grupe i učešća u

projektima Evropske unije doprinio je razvoju Kvalifikacijskog okvira u Bosni i Hercegovini i jačanju internacionalizacije visokog obrazovanja. Centar kroz provođenje definisanih programskih aktivnosti čini napore, jača svoje kapacitete te uspostavlja saradnju sa nadležnim organima za priznavanje sa ciljem olakšavanja priznavanja inostranih visokoškolskih kvalifikacija u Bosni i Hercegovini i priznavanje u inostranstvu kvalifikacija stečenih u Bosni i Hercegovini te na taj način pospješuje mobilnost radne snage, studenata i akademskog osoblja.

Prilog 1.

AKCIONI PLAN SREDNJOROČNOG PLANA RADA CENTRA ZA INFORMISANJE I PRIZNAVANJE DOKUMENATA																													
Opšti cilj/principi razvoja:				PAMETAN RAST																									
Strateški cilj:				Razvoj ljudskih resursa																									
1	2	3	4	5	6	7	8	9	10	11	12a	12b	12c	12d	13a	13b	13c	13d	14a	14b	14c	14d	15	16	17	18	19	20	21
																							Izvori finansiranja						
Srednjoročni cilj	Specifični cilj	Programi	Projekat	Institucija odgovorna za implementaciju	Pokazatelj	Jedinica mjere (% ili broj ili opisno)	Polazna vrijednost 2018	Ciljana vrijednost 2019	Ciljana vrijednost 2020	Ciljana vrijednost 2021	Procijenjeni troškovi 2019				Procijenjeni troškovi 2020				Procijenjeni troškovi 2021				Ukupno troškovi	Budžet	Krediti	Donacije	Ostali izvori	Ukupno	Program u DOB-u
											Budžet	Kredit	Donacije	Ostalo	Budžet	Kredit	Donacije	Ostalo	Budžet	Kredit	Donacije	Ostalo							
Unaprijediti politiku i razvoj kvaliteta u oblasti obrazovanja	Unaprijediti politiku i procedure iz oblasti priznavanja inostranih visokoškolskih kvalifikacija u BiH	Informisanje i priznavanje dokumenata iz oblasti visokog obrazovanja, akademska i studentska mobilnost		Institucije iz oblasti obrazovanja	Uskladenost procedura priznavanja sa odredbama Lisabonske konvencije o priznavanju	%	45	50	55	57	718.000	0	0	0	845.000	0	0	0	764.000	0	0	0	2.327.000	2.327.000	0	0	0	2.327.000	0941310
				CIP	Stepen realizacije planskih aktivnosti CIP-a iz oblasti priznavanja, informisanja, međunarodne saradnje i akademske mobilnosti	%	100	100	100	100	718.000	0	0	0	845.000	0	0	0	764.000	0	0	0	2.327.000	2.327.000	0	0	0	2.327.000	0941310
				CIP	Aktivnosti CIP-a vezano za usaglašavanje sistema priznavanja inostranih visokoškolskih kvalifikacija sa u BiH sa preporučenim i standardiziranim praksama ENIC/NARIC mreža	%	100	100	100	100	678.000	0	0	0	798.000	0	0	0	722.000	0	0	0	2.198.000	2.198.000	0	0	0	2.198.000	0941310
				CIP	Aktivnosti CIP-a iz područja mobilnosti akademskog osoblja, studenata i studijskih programa	%	100	100	100	100	40.000	0	0	0	47.000	0	0	0	42.000	0	0	0	129.000	129.000	0	0	0	129.000	0941310
				Sektor za informisanje, saradnju i priznavanje dokumenata	Realizirane aktivnosti u cilju jačanja kapaciteta nadležnih organa za priznavanje i unapređenje procedura priznavanja u BiH i aktivnosti na saradnji sa članicama ENIC/NARIC mreža	broj	12	13	14	15	73.000	0	0	0	89.000	0	0	0	79.000	0	0	0	241.000	241.000	0	0	0	241.000	0941310
				Sektor za informisanje, saradnju i priznavanje dokumenata	Izrada Preporuke	broj	1	1	1	1	34.000	0	0	0	34.000	0	0	0	34.000	0	0	0	102.000	102.000	0	0	0	102.000	0941310
				Sektor za informisanje, saradnju i priznavanje dokumenata	Izdava mišljenja, preporuke, savjeti i informacije	broj	870	890	900	900	534.000	0	0	0	629.000	0	0	0	569.000	0	0	0	1.732.000	1.732.000	0	0	0	1.732.000	0941310
				Sektor za informisanje, saradnju i priznavanje dokumenata	Objavljeni dokumenti iz oblasti visokog obrazovanja na web stranici CIP-a	broj	125	130	134	137	43.000	0	0	0	50.000	0	0	0	45.000	0	0	0	138.000	138.000	0	0	0	138.000	0941310
				Sektor za informisanje, saradnju i priznavanje dokumenata	Aktivnosti iz oblasti mobilnosti	broj	23	30	35	39	34.000	0	0	0	43.000	0	0	0	37.000	0	0	0	114.000	114.000	0	0	0	114.000	0941310

